



TRNOVO

BILTEN OPĆINE TRNOVO

Besplatan primjerak • broj 8 • Juli 2010.

DAN OPĆINE TRNOVO 31. JULI 2010.





KAPITALNI PROJEKTI U OPĆINI TRNOVO

Općina Trnovo je realizovala niz projekata u svrhu poboljšanja uslova života u komunalnoj oblasti građana općine. Što Općinu Trnovo izdvaja kao općinu u kojoj je najviše urađeno kada su u pitanju kapitalni projekti.

REKONSTRUKCIJA PUTA GORNJA GRKARICA – PENDIČIĆI

Finansijska sredstva za realizaciju projekta obezbjeđena od Direkcije za ceste Kantona Sarajevo u iznosu od 400.000,00 KM. Izvođač radova je Grakop iz Kiseljaka, radovi završeni u planiranom obimu. Za asfaltiranje dionice Gaj – Razin gaj u dužini cca 400 m obezbjeđena sredstva u iznosu od 100.000,00 KM od Ministarstva za ljudska prava i izbjeglice. Raspisan je tender za izbor najpovoljnijeg ponuđača.



REKONSTRUKCIJA PUTA BABIN DOL – BIJELE VODE

Finansijska sredstva obezbjeđena od Ministarstva saobraćaja u iznosu od 150.000,00 KM i Direkcije za ceste Kantona Sarajevo u iznosu od 200.000,00 KM.

Izvođači radova Orman i Grakop iz Kiseljaka. Radovi u toku.

REKONSTRUKCIJA PUTA GAREŽ – DELIJAŠ

Finansijska sredstva obezbjeđena od Federalne direkcije za ceste u iznosu od 150.000,00 KM i Ministarstva prometa i komunikacija 150.000,00 KM iz GSM licence. Federalna direkcija za ceste i Općina Trnovo su raspisale tender za izbor najpovoljnijeg izvođača radova za asfaltiranje dionice u dužini od 800 m od mosta na Garežu.



ASFALTIRANJE LOKALNIH PUTEVA UZ UČEŠĆE GRAĐANA I DRUGI PROJEKTI

Finansiranje projekta od strane građana, općine Trnovo i Direkcije za ceste kantona Sarajevo stim da je odnos učešća građana i općine Trnovo 1:2 uz učešće direkcije za ceste.

REKONSTRUKCIJA LOKALNIH PUTEVA

Finansijska sredstva će obezbjeđiti Općina Trnovo. Za rekonstrukciju puta za selo Mijanoviće izvođač radova je Orman iz Kiseljaka. Za rekonstrukciju puta za selo Govedoviće izvođač radova je GMC inženjering iz Sarajeva, radovi u toku. Za rekonstrukciju puta u Presjenici izvođač radova Grakop iz Kiseljaka.

ZIMSKO I LJETNO ODRŽAVANJE PUTEVA

Zimsko i ljetno održavanje puteva se odvija kontinuirano tokom cijele godine uz zajedničko učešće općine i Direkcije za ceste.

IZGRADNJA KANALIZACIJE RAKITNICA – ŠABIĆI – LUKAVAC

Finansijska sredstva obezbjeđena od Ministarstva prostornog uređenja i zaštite okoliša, a usmjerit će se na nastavak radova na izgradnji kanalizacionog sistema, te sanacija već izgrađenog dijela na prelazima preko vodotoka. Izvođač radova je Harysco iz Sarajeva - radovi u toku.





IZGRADNJA KANALIZACIJE U KAROVIĆIMA

Finansijska sredstva obezbjeđena od Ministarstva prostornog uređenja i zaštite okoliša, a usmjerit će se na nastavak radova na izgradnji kanalizacionog sistema kod mosta u Karovićima. Izvođač radova je Hidrom iz Sarajeva – izvođenje radova planirano paralelno sa radovima na izgradnji mosta.



IZGRADNJA KANALIZACIJE U GODINJI

Finansijska sredstva obezbjeđena od Ministarstva prostornog uređenja i zaštite okoliša, a usmjerit će se na nastavak započetih radova.

Izvođač radova Fublan Comerc iz Breze.

IZGRADNJA KANALIZACIJE VRELA – PERVIZI – PODVORNICE

Finansijska sredstva obezbjeđena od Ministarstva prostornog uređenja i zaštite okoliša, a usmjerit će se na završetak započetih radova. Izvođač radova Agi iz Konjica. Radovi završeni.

IZGRADNJA KANALIZACIJE ŠABANCI – DEJČIĆI – OMENIK

Finansijska sredstva obezbjeđena od Ministarstva prostornog uređenja i zaštite okoliša, a usmjerit će se na nastavak radova na izgradnji kanalizacionog sistema od Šabanaca prema Omeniku. Izvođač radova Harysco iz Sarajeva.

Izvođač radova uveden u posao.



IZGRADNJA KANALIZACIJE U HAMZIĆIMA

Finansijska sredstva obezbjeđena od Ministarstva prostornog uređenja i zaštite okoliša, a usmjerit će se na nastavak radova na izgradnji kanalizacionog sistema.

Izvođač radova JKP Vareš iz Vareša, radovi završeni.

IZGRADNJA REZERVOARA ŠABANCI

Finansijska sredstva obezbjeđena od Ministarstva prostornog uređenja i zaštite okoliša, a usmjerit će se na nastavak započetih radova na izgradnji rezervoara. Izvođač radova Agi iz Konjica.

IZGRADNJA REZERVOARA BRUTUSI

Finansijska sredstva obezbjeđena od Ministarstva privrede Kantona Sarajevo i Općine Trnovo. Izvođač radova JKP Vareš iz Vareša uveden u posao, radovi u toku.

IZGRADNJA VODOVODA VRELA – PODVORNICE

Finansijska sredstva obezbjeđena od Ministarstva prostornog uređenja i zaštite okoliša.

Izvođač radova Han centar iz Rakovice - izvršeno ugovaranje.



IZGRADNJA VODOVODA ČUNČIĆI

Finansijska sredstva obezbjeđena od strane Ministarstva prostornog uređenja i zaštite okoliša, a usmjerit će se na izgradnju kaptaže i polaganje novog cjevovoda.

Za realizaciju projekta u toku tenderska procedura.

IZGRADNJA BUNARICA I UREĐENJE KORITA U LUKAVCU

Finansijska sredstva obezbjeđena od Ministarstva prostornog uređenja i zaštite okoliša. U toku izrada projektne dokumentacije od strane Arhitektonskog fakulteta iz Sarajeva.



IZGRADNJA JAVNIH ČESAMA

Finansijska sredstva obezbjeđena od Ministarstva za boračka pitanja i Općine Trnovo za izgradnju javnih česama u Jelačićima, Bašcima- Kadići, Turovima, Gaju, Dejčićima, Lukavac – bunarice, Kramari, Jablanica I, te zamjenu ploče na Ostojićima, česma Hamzići – ime Hodžić Zajko i Slavljevići godina rođenja jednog šehida. Ispred česme u Umoljanima izvršiti popločavanje. Izvođač radova Agi iz Konjica.

ZAJEDNIČKI PROJEKTI SA DRUGIM INVESTITORIMA

Finansijska sredstava planirana od Općine Trnovo, građana i Ministarstva za raseljena lica i izbjeglice FBiH. U okviru projekta će se realizovati put za Turove, put za Bogatiće i rezervoar Bogatići. Izvođač radova na putu za Bogatiće Terex, a na putu u Turovima Grakop. Za rezervoar Bogatići raspisan tender.

IZGRADNJA DOMA KULTURE U DELIJAŠU I DEJČIĆIMA

Finansijska sredstva obezbjeđena od Općine Trnovo u iznosu od 60.000,00 KM i Fondacije OdRaz u iznosu od 180.000,00 KM. Tenderske procedure za izbor najpovoljnijih izvođača provešće Fondacija OdRaz.



SANACIJA KLIZIŠTA

Finansijska sredstva obezbjeđena od Uprave civilne zaštite Kantona Sarajevo. Projektom predviđena sanacija klizišta u Dejčićima, Ozimine naselje i groblje Ozimine, te izrada projekta zaštite od lavina na Bijelim vodama. Sa predstavnicima Zavoda za izgradnju izvršen obilazak lokacija i dogovorena realizacija.

UREĐENJE KORITARIJEKA

Finansijska sredstva obezbjeđena od Ministarstva privrede Kantona Sarajevo, a usmjerit će se na uređenje korita Rakitnice. Izvođač radova Harysco iz Sarajeva uveden u posao.

UČEŠĆE U PROJEKTIMA SA DRUGIM INVESTITORIMA

Izgradnja kanalizacije Brda - Kramari, izvođač radova Agi iz Konjica, zajedničko finansiranje Općine Trnovo i OdRaz.

SANACIJA MOSTA NA CRNOJ RIJECI, IZGRADNJA MOSTA U KAROVIĆIMA I IZRADA PROJEKTA PUTA GAREŽ – DELIJAŠ

Finansijska sredstva obezbjeđena od strane Federalne direkcije za ceste u iznosu od 320.000,00 KM. U toku je izrada projektne dokumentacije.



IZGRADNJA KAPIJA NA ŠEHIDSKIM MEZARJIMA

Finansijska sredstva obezbjeđena od Općine Trnovo i Fonda memorijala uz učešće općine od 25.000,00 KM i Fonda memorijala od 45.000,00 KM. Projektom će se realizovati kapija u Dujmovićima, Delijašu, Oziminama i Trebečaju. U toku je raspisivanje tendera za realizaciju zacrtanih projekata, za šehidsko mezarje Trebečaj izvođač uveden u posao.

SANACIJA LOKALNIH PUTEVA, ANGAŽOVANJE JEDINICA ORUŽANIH SNAGA

Projektom je predviđena sanacija lokalnih puteva učešćem inženjerskih jedinica OS stim da općina obezbjedi sredstva za dnevnicu, gorivo i mazivo. Prema Oružanim snagama upućen zahtjev za sanaciju puteva Milišići – Rašanovići, Konik -Stubo – Lukavac, Gornja Rakitnica – Kreme, Bare- Ostojići-Jelšin Bor- Proskok – Prokresa, Jelšin bor – Obla brda, Prečko polje- Prečani Rahovići – Umčani, Gaj – Mijanovići (stari put), Odžak- Gornja Presjenica, Pilana- Prečala, Barakuša, Dom Bašci – Kadići, Barice – Lisovići, Bistročaj, Pomenovići – Boljanovići, Pomenovići – Sjeverovići, Slavljevići – Mojevići-Govedovići, Šišići i Karovići – Čunčići – Hamzići.



REKONSTRUKCIJA I ASFALTIRANJE MAKADAMSKIH PUTEVA

Finansijska sredstva od Kantonalne uprave za šume će se usmjeriti:

1. Pomenovići – Sjeverovići	80.000,00 KM
2. Podelje – Puzimsko groblje	100.000,00 KM
3. Jelačići – Slavljevići	80.000,00 KM
4. Dom Bašci – Kadići	70.000,00 KM
5. Most G. Rakitnica – lijevo i desno po 150 m	60.000,00 KM
6. Krsmanići	20.000,00 KM

Program odobren na Vladi Kantona Sarajevo, a implementirat Sarajevošume.

IZGRADNJA KANALIZACIJE POMENOVIĆI - SJEVEROVIĆI

Sredstva obezbjeđena od Ministarstva prostornog uređenja. Izvođač radova Harysco iz Sarajeva – radovi završeni.

IZGRADNJA VODOVODA ŠABANCI

Sredstva obezbjeđena od Ministarstva prostornog uređenja za izgradnju cjevovoda od rezervoara Jelšin bor do naselja Šabanci. Izvođač radova Agi iz Konjica.

IZGRADNJA VISOKO I NISKO NAPONSKE MREŽE

Sredstva će obezbjediti Elektro distribucija Sarajevo, Općina Trnovo i Fond za povratak . U okviru projekta će se realizovati izgradnja visoko i niskonaponske mreže Obla Brda, Prečani - Rahovići. U toku je izrada projektne dokumentacije za izgradnju visoko i niskonaponske mreže Brutusi, izgradnja trafostanice Lukavac i izgradnja trafostanice Kramari.

OSTALI PROJEKTI

1 Obnova stambenih objekata – projekti finansirani od Ministarstva za ljudska prava i izbjeglice BiH.

Izvršena podjela ključeva za 13 objekata građana srpske nacionalnosti, vrijednost projekta 325.000,00 KM. U toku je izrada projektne dokumentacije za 13 stambenih objekata ZPO9, vrijednost projekta 150.000,00 KM. Za ZPO10 – u toku je priprema javnog poziva, vrijednost projekta 175.000,00 KM.

2 Obnova stambenih objekata – Barcelona

U toku izvođenje radova na objektima, vrijednost projekta 300.000,00 KM.

3 JKPTrnovo

Shodno Odluci općinskog vijeća Trnovo sa danom 01.07.2010. godine preuzeto održavanje lokalnih vodovoda. Sa radom otpočela četvorica radnika. Obezbjeđena sredstva u iznosu od 319.000,00 KM.

4 Postrojenje za tretman otpadnih voda u Trnovu

Postrojenje je završeno u toku je priprema Sporazuma oko preuzimanja objekta od strane KJKP Vodovod i kanalizacija Sarajevo, gdje će se uposliti 7 radnika sa prostora Općine Trnovo. Obezbjeđena sredstva u iznosu od 250.000,00 KM.

5 Izgradnja Azilantskog centra u Pomenovićima

U toku izdavanje građevinske dozvole za otpočinjanje radova I faze.

6 Izgradnja biciklističkih staza

Projekat odobren od pokrajine Torino u iznosu od 140.000,00 KM.





Rekonstruisano 13 stambenih jedinica

U sali Općine Trnovo 30. jula 2010. godine uručeni su ključevi za 13 (trinaest) stambenih jedinica rekonstruisanih u okviru projekta koji su se finansirali kroz Fond za povratak u Općini Trnovo.

Primopredaji radova na sanaciji i rekonstrukciji stambenih jedinica prisustvovali su gosp. Safet Halilović, ministar u Ministarstvu za ljudska prava i izbjeglice, gosp. Ibro Berilo, Općinski načelnik i izvođač radova Prograd-Vareš.

Vlasnici kojima su rekonstruisani objekti su: Danica Vlačić, Dana Kenjić, Uroš Golijanin, Radojka Kovačević, Dragica Kovačević, Đoko Andrić, Savka Bjelica, Rajko Vitković, Velimir Andrić, Ratko Ivanović, Vlado Šehovac, Mirjana Golijanin i Radovan Golijanin.



Potpisan « Memorandum o razumjevanju » za implementaciju odobrenih projekata

Općinski načelnik Ibro Berilo potpisao je 07.juna 2010. godine sa Ministrom za ljudska prava i izbjeglice BiH dr. Safetom Halilovićem memorandum o razumjevanju za implementaciju projekata pomoći povratnicima, za koje je Ministarstvo za ljudska prava i izbjeglice BiH u ovoj godini izdvojilo 6.745.050,00 KM.

Državna komisija za izbjeglice i raseljene osobe odabrala je 30 općina sa područja Regionalnog centra Sarajevo u kojima će biti realizirani projekti obnove individualnih stambenih jedinica, rekonstrukcije zgrada zajedničkog stanovanja i elektrifikacija povratničkih lokacija/objekata.



- Ukupni iznos odobrenih sredstava za projekat obnove individualnih stambenih jedinica u Općini Trnovo je 175.000 KM.
- Ukupni iznos odobrenih sredstava za projekat elektrifikacije povratničkih lokacija/objekata u Općini Trnovo je 50.000 KM.



Obilježen dan 1. Bošnjačke brdske brigade

U okviru obilježavanja godišnjice 1. Bošnjačke brigade koja je tokom agresije s oko 2500 vojnika odbranila Općinu Trnovo, Sarajevo i BiH, položeno je cvijeće i proučena Fatiha šehidima na mezarju Igman.

«Naš doprinos u ratu je bio od velikog strateškog značaja, a naša je obaveza u miru da čuvamo uspomene na šehide i poginule heroje. Porodicama šehida i poginulih boraca sa ovog područja moramo obezbjediti elementarne uslove za život.» - istakao je Selim Hamzić, ratni komadant 1. Bošnjačke brigade.

U hotelu « Maršal » na Bjelašnici promovisana je knjiga « Bošnjački heroji » - Monografija šehida i poginulih boraca 1. Bošnjačke brdske brigade i Stanice javne bezbjednosti Trnovo.

Knjiga je namjenjena porodicama šehida i poginulih boraca pripadnika 1. Bošnjačke brdske brigade i Stanice javne bezbjednosti Trnovo, ali i svima koji poštuju herojsku borbu bosanskohercegovačkog naroda tokom agresije na našu zemlju.

Selim Hamzić ratni komadant 1. Bošnjačke brdske brigade, čija je ideja bila izrada monografije, rekao je da je to najmanje što mogu uraditi za poginule i umrle borce 1. Bošnjačke brdske brigade. Monografija je rađena 24 mjeseca i trudili smo se da nikoga ne izostavimo.

Na promociji su podjeljene zahvalnice Ibri Berilo, načelniku Općine Trnovo, Hajrudinu Ibrahimoviću, ministru za Boračka pitanja Kantona Sarajevo, Općinskom vijeću Trnovo i članovima Koordinacionog odbora za izradu Monografije.

Promociji knjige prisustvovao je veliki broj roditelja, djece, supruga, braće, sestara, kao i borci 1. Bošnjačke brdske brigade i Stanice javne bezbjednosti.

U organizaciji Udruženje porodica šehida i poginulih boraca podjeljene su knjige porodicama šehida i poginulih boraca, kao i gostima.



Obilježen dan pogibije Keme Mehanije

Položeno je cvijeće i proučena Fatiha na mezaru šehida Keme Mehanije u Turovima. Delegacija boračkih organizacija Općine Trnovo i Kantona Sarajevo, te predstavnici Općine Trnovo položili su cvijeće. Prisutnima su se obratili Edhem Godinjak i Ismet Godinjak istaknuvši veliku hrabrost Keme Mehanije.



**Kalendar za obilježavanje značajnih događaja i datuma iz perioda odbrambeno-oslobodilačkog rata 1992-1995. godine**

Kalendar za obilježavanje značajnih događaja i datuma iz perioda odbrambeno - oslobodilačkog rata 1992.-1995.godine usvojen je na 16 sjednici Općinskog vijeća Trnovo održane 31.03.2010.godine na prijedlog Komisije za javna priznanja i obilježavanje historijskih događaja i ličnosti.

red .br	DATUM DOGAĐA	OPIS DOGAĐAJA	VRIJEME OBILJEŽA	NIVO FINANSIRA	NOSILAC OBILJEŽAVANJA	NAČIN OBILJEŽAVANJA
1.	(1.-5.mart) 1992.g.	Prvi organizovani otpor podjeli BiH	Prva subota u martu	Općina	Udruženje jedinstvena organizacija boraca «Unija Veterana» općine Trnovo MZ Trnovo	Okupljanje pripadnika odreda Trnovo. Odavanje počasti poginulim pripadnicima. Čas historije.
2.	17.mart 1996.g.	Dan integracije - Dan Općine	17.03.	Općina	Općina Trnovo, Udruženje Organizacija porodica šehida i poginulih boraca Općine Trnovo, a uključuju se sva boračka udruženja	Svečana sjednica Općinskog vijeća Trnovo. Odavanje počasti poginulim na spomen obilježju Igman. Prigodan program.
3.	22.mart 1993.g.	Dan formiranja 1.Bošnjačke brigade	22.03.	Općina	Udruženje jedinstvena organizacija boraca «Unija Veterana» općine Trnovo, a uključuju se sva boračka udruženja i Općinske službe	Odavanje počasti poginulim borcima na spomen obilježju Igman. Okupljanje pripadnika Brigade. Prigodan program.
4.	14.05.1992 .g.	Dani otpora u MZ Delijaš	14.05.	Općina	Udruženje jedinstvena organizacija boraca «Unija Veterana» općine Trnovo, a uključuju se sva boračka udruženja i MZ Delijaš	Okupljanje pripadnika odreda Delijaš. Odavanje počasti poginulim pripadnicima. Čas historije.
5.	05.juni 1992.g.	Dan formiranja Odreda Šabići	05.06.	Općina	Udruženje jedinstvena organizacija boraca « Unija Veterana» općine Trnovo, a uključuju se sva boračka udruženja i MZ Šabići	Okupljanje pripadnika odreda Bjelašnica. Odavanje počasti poginulim pripadnicima. Čas historije.
6.	07.juli 1992.g.	Oslobađanje platoa Straišta, Prečkog polja i Presjenice	07.07.	Općina	Udruženje jedinstvena organizacija boraca «Unija Veterana» općine Trnovo, a uključuju se sva boračka udruženja i MZ Dejići	Okupljanje pripadnika čete Dejići. Odavanje počasti poginulim pripadnicima. Čas historije.
7.	15.juli 1993.g.	Odbrana Proskoka	15.07.	Institucije Kantona Sarajevo i Općina Trnovo	Udruženje ratnih vojnih invalida Općine Trnovo i Općina Trnovo	Okupljanje pripadnika učesnika bitke za Proskok. Odavanje počasti poginulim borcima. Čas historije.



8.	30.juli 1992.g.	Oslobađanje Trnova	30.07.	Institucije Kantona Sarajevo i Općina Trnovo	Udruženje organizacija porodica šehida i poginulih boraca Općine Trnovo, a uključuju se sva ostala boračka udruženja.	Okupljanje pripadnika učesnika bitke za Trnovo. Odavanje počasti poginulim. Čas historije.
9.	Juli/avgust 1993.g.	Obrana Igmana	Prvi petak u avgustu	Institucije BiH Institucije F BiH Institucije Kantona Sarajevo	Udruženje jedinstvena organizacija boraca «Unija Veterana» općine Trnovo, Institucije BiH i F BiH, Institucije Kantona Sarajevo, Općine Kantona Sarajevo i sva udruženja.	Uključivanje pripadnika naših udruženja u manifestaciju vjerskog kulturnog i umjetničkog programa.
10.	19.septemb ar 1991.g.	Dan policije SJB Trnovo	19.09.	Općina	Udruženje boraca «Patriotska liga» i Policajska stanica - Trnovo.	Okupljanje pripadnika aktivnog i rezervnog sastava policije. Odavanje počasti poginulim policajcima. Čas historije.
11.	06.oktobar 1994.g.	Dan diverzanata	06.10.	Institucije Kantona Sarajevo i Općina Trnovo	Udruženje jedinstvena organizacija boraca «Unija Veterana» općine Trnovo i Općina Trnovo	Okupljanje pripadnika učesnika bitke. Odavanje počasti poginulim pripadnicima. Čas historije.
12.	29.oktobar 1994.g.	Operacija oslobađanja Hojte, Javorka, Šiljka i Kočerina	29.10.	Institucije Kantona Sarajevo, Općina Trnovo, Ilidža, Novi Grad, Novo Sarajevo i nevladine organizacije	Udruženje jedinstvena organizacija boraca «Unija Veterana» općine Trnovo, Općine: Trnovo, Novi Grad, Ilidža, Novo Sarajevo	Okupljanje pripadnika naših udruženja u manifestaciju. Program obilježavanja bitke.
13.	(4.10.- 10.10.) 1992.g.	Dani otpora Kijevo	Prva subota u oktobru	Općina	Udruženje jedinstvena organizacija boraca «Unija Veterana» općine Trnovo i MZ Kijevo	Okupljanje pripadnika odreda Kijevo. Odavanje počasti poginulim. Čas historije.
14.	Drugi dan Ramazansk og Bajrama	Obilježavanje Dana Šehida Općine Trnovo	Po kalendaru	Općina	Udruženje Organizacija porodica šehida i poginulih boraca Općine Trnovo	Obilaženje mezarja po MZ. Prijem kod Općinskog načelnika. Odavanje počasti na spomen obilježju Igman.



Iso 9001:2008

Nakon uspješno provedene recertifikacije, Općina Trnovo je dobila certifikat ISO 9001:2008. Recertifikacijski audit je vršila izabrana certifikacijska kuća "Bureau Veritas Croatia" d.o.o.

Početkom ove godine certifikat sistema upravljanja kvalitetom u skladu s normom ISO 9001:2000 je istekao. Iz tog razloga pristupilo se recertifikaciji sistema upravljanja kvalitetom ISO 9001:2008.

U postupku recertifikacije certifikacijsko tijelo provodi recertifikacijski postupak kojim ponovno procjenjuje nivo usklađenosti sistema upravljanja kvalitetom sa zahtjevima norme ISO 9001:2008. Po uspješnom zaključivanju svih eventualno pronađenih neusklađenosti izdaje se jedan Bureau Veritas certifikat sa UKAS akreditacijom za usklađenost sistema upravljanja kvalitetom.

Certifikat se izdaje na razdoblje od tri godine, koliko traje certifikacijski ciklus. Recertifikacijski ciklus obuhvata sljedeće aktivnosti:

Prva godina

- Recertifikacijski audit obuhvata pregled dokumentacije i audit u organizacijskim djelovima i procesima općine. Na osnovu prikupljenih informacija i dokaza izrađuju se izvještaji. U slučaju utvrđenih neusklađenosti izrađuje se poseban izvještaj koji detaljno opisuje stanje. Prije davanja pozitivne preporuke za izdavanje certifikata sve neusklađenosti moraju biti otklonjene. Zaključivanje neusklađenosti provodi certifikacijska kuća.

Druga i treća godina

- Nadzorni audit provodi se u svrhu nadzora i poboljšanja sistema. Tokom ovih audita također se u slučaju utvrđivanja neusklađenosti izrađuju odgovarajući izvještaji.

Nadzorni audit provodit će se jednom godišnje, što znači da će za trajanje certifikacijskog ciklusa biti provedena ukupno dva nadzorna audita.



Recertifikacijski audit u Općini Trnovo obavljen je 29. i 30.03.2010.godine u skladu sa dostavljenim programom održavanja. Izvještaj o uspješno izvršenom auditu dostavljen je Općini Trnovo.



Međunarodni praznik žena

Povodom 8.marta – Međunarodnog praznika žena, gosp. Ibro Berilo, načelnik općine Trnovo je upriličio prijem za zaposlene, kao i penzionisane službenice općinske administracije.

Tom prilikom uz prigodne poklone, pripadnicama ljepšeg pola čestitao je praznik uz želju da im ne samo ovaj, nego i svaki dan bude ispunjen srećom i ljubavlju, kako na ličnom, tako i poslovnom planu.

Projekat « ZDRAVO STARENJE »

U februaru 2010. godine u Općini Trnovo su boravili gosti iz Holandije, kada je dogovorena realizacija projekta «Zdravo starenje». Projekat je koncipiran za osobe starije od 65 godina i više, a isti će se realizovati u saradnji sa Vladom Holandije.

Predstavnici nadležne Službe Općine Trnovo su obišli svako domaćinstvo i prikupili potrebne ulazne podatke koji će biti zajednički analizirani u oktobru mjesecu 2010. godine kada predstavnici holandskih institucija dolaze u Općinu Trnovo i radom na terenu dogovaraju najracionalniji modalitet, a sve u saradnji sa javnim humanim zdravstvom, Crvenim krstom, humanitarnim organizacijama, institucijama Kantona i FBiH. Poteškoće u djelovanju lokalne zajednice čine nepovoljna starosna struktura stanovništva, razuđenost terena i naseljenih mjesta, nepovoljni klimatski uslovi, veliko administrativno područje.



Osnovana zadruga opšte namjene « KOOPERANT »

Nedavno je na području Općine Trnovo osnovana zadruga opće namjene pod nazivom "Kooperant". Sjedište se nalazi na Husremovcu. Poslovni prostor zadruge djelimično je opremljen osnovnim kancelarijskim namještajem i računarima. Uz to nabavljeno je i manje transportno vozilo. Dugoročnim planom predviđeno je da se ono koristi prilikom otkupa i prodaje šumskih plodova i ljekovitog bilja. Trenutno se u takvoj funkciji već koristi u organizovanom otkupu i prodaji ljekobilja, šumskih gljiva i šumske borovnice. Međutim, potrebno je istaći da nabavka ovog vozila predstavlja tek prvi značajniji korak u planskoj izgradnji industrijskih prerađivačkih kapaciteta namjenjenih za preradu odgovarajućih vrsta aromatičnog i ljekovitog bilja i šumskih plodova. Za dio tog programa već su izrađeni idejni projekti koji su aplicirani kod odgovarajućih institucija sa molbom za odobrenje odgovarajućih finansijskih sredstava namjenjenih za realizaciju ovog projekta.

U pogledu trenutno otkupljivanih količina mlijeka sa sigurnošću se može konstatovati da su te količine nekoliko puta veće nego što su bile u trenutku preuzimanja ovih obaveza od strane zadruge. To je prevashodno i zbog toga što su uspostavljeni i novi poslovni odnosi sa novim industrijskim prerađivačima mlijeka. Zatim, instaliran i osposobljen je i dodatni broj odgovarajućih uređaja namjenjenih za deponovanje i hlađenje mlijeka. Sve to je rezultiralo efektom koji je sadržan u činjenici da je trenutno ova zadruga u mogućnosti da otkupi mnogo veće količine mlijeka nego što joj mogu da ponude njeni partneri odnosno poljoprivredni proizvođači.

Uz sve to mora se istaći da zadruga na tom planu nije ostvarila nikakav profit. U finansijskom pogledu do sad je poslovala na granici rentabiliteta samo zahvaljujući i dodijeljenim finansijskim sredstvima od strane Općine Trnovo. Međutim to nikako nije planska orijentacija u poslovnoj politici daljnjeg rada i ekonomskog razvoja ove zadruge. S punim pravom se može konstatovati, da se po prvi put u posljednjih petnaest godina obavljaju pregovori sa nadležnim institucijama o preuzimanju određenih količina povrtlarskih proizvoda sa područja ove općine za potrebe robnih rezervi i drugih korisnika. Uz to, također u završnoj fazi, je izbor poslovnog partnera koji treba da preko ove zadruge plasira odgovarajuće količine žitarica i stočnog brašna domaćim



poljoprivrednicima. Nastavak tih aktivnosti je izrada idejnog projekta izgradnje skladišnih i proizvodnih prostora namjenjenih za pakovanje odgovarajućih vrsta žitarica kao i izgradnje industrijskih prerađivačkih kapaciteta potrebnih prilikom prerade odgovarajućih vrsta žitarica u proizvodnji svih vrsta hrane koje se koriste kod uzgoja stoke i peradi. Izrada ovog projekta obavlja se u saradnji sa Federalnim zavodom za poljoprivredu iz Butmira.

Konačno, paralelno sa svim navedenim aktivnostima započetim i vršenim samo u protekla četiri mjeseca, to jest aktivnostima započetim od prvog dana formiranja ove zadruge, aktivno se radi, također u saradnji sa Federalnim zavodom za poljoprivredu, na izradi projekta podizanja većeg broja mini plantaža jagodičastih vrsta voća na ukupnoj površini od 75 dunuma.

Nakon završetka dijela navedenih aktivnosti koje su trenutno u toku, kreće se i sa izradom projekta prerađivačkih kapaciteta jagodičastih vrsta voća proizvedenog u primarnoj poljoprivrednoj proizvodnji na području Općine Trnovo i šire.

Na kraju veoma je važno istaći da su sve dosadašnje aktivnosti u ovoj zadruzi vršene transparentno uz svesrdnu pomoć i podršku datu od strane općinskih struktura bez čije saradnje i podrške zadruga u budućnosti nema perspektive.

Predstavnik Općine Trnovo prisustvovao prvom sastanku Upravnog odbora SeeNet

U Općini Stari Grad, 04. juna 2010. godine održan je prvi sastanak Upravnog odbora SeeNet (Translokalna mreža za saradnju između Italije i Jugoistočne Evrope), gdje je zvanično otvoren program aktivnosti.

Program promoviše i koordinira regija Toskana, a sufinansira Ministarstvo vanjskih poslova Republike Italije.

Osnovni cilj programa SeeNet su podrška u procesu integracije u Evropsku uniju zemalja Jugoistočne Evrope, uz jačanje kapaciteta rukovođenja, te stvaranja stabilne i trajne partnerske mreže između lokalnih vlasti Italije i regiona. Događaj je okupio preko 100 eminentnih učesnika, među kojima su prisustvovali ambasador Republike Italije, predstavnici italijanske razvijene agencije Cooperazione Italiana, Ministarstvo vanjskih poslova Republike Italije, predstavnici Italijanskih regija, kao i politički predstavnici lokalnih zajednica zemalja Jugoistočne Evrope.

Ukupna vrijednost trogodišnjeg programa je 11 miliona eura, a pored regije Toskana u njegovoj realizaciji učestvuje još šest talijanskih regija i 47 lokalnih zajednica iz Albanije, Bosne i Hercegovine, Hrvatske, Kosova, Makedonije, Crne Gore i Srbije.

Na skupu ispred Općine Trnovo prisustvovao je gosp. Osman Smječanin, pomoćnik Općinskog načelnika.

Općina Trnovo učestvuje u projektu Obrazovanje za održivi razvoj na Zapadnom Balkanu

Program Obrazovanje za održivi razvoj na Zapadnom Balkanu je počeo da se implementira od prošle godine. Ima za cilj pomoć školama i zajednicama kako bi zajednički radile na održivom razvoju finansiran je od strane Ministarstva spoljnih poslova Finske, i ukupne je vrijednosti 3,807 miliona EUR.

Sveukupni cilj programa je da ESD (Education for Sustainable Development) kao sastavni dio osnovnog obrazovanja na Zapadnom Balkanu i efikasno pozicioniranje škola u njihovim zajednicama, da bi se na maksimum doveli potencijali za postizanje održivog razvoja.

Svrha programa je poboljšanje prakse za održivi razvoj u školama i zajednicama u oblasti sliva rijeke Drine (Bosna i Hercegovina, Crna Gora, Srbija i šira zona Zapadnog Balkana). Kao prioritet za ovaj program identifikovane su sljedeće oblasti:

- Obrazovanje nastavnika (Obuka o suštini ESD-a prije zapošljavanja i tokom radnog odnosa);
- Izrada nastavnog plana i programa uključuje nastavne aktivnosti i izradu obrazovnih materijala;
- Kampanja za podizanje svijesti javnosti o obrazovanju vezanom za životnu sredinu /održivost;
- Poboljšanje umreženosti, kooperacija i saradnja u cilju razmjene iskustava, kao i da bi se identifikovale dobre prakse i pristupi kod obrazovanja vezanog za životnu sredinu/održivost;

U ovom programu geografsko područje obuhvaćeno intervencijom usredsređeno je na prirodne resurse i niz problema zaštite životne sredine koji su zajednički za izvjestan broj potencijalnih općina/opština i škola koji se u njima nalaze. Predloženo geografsko područje koje je predmet ovog projekta je sliv rijeke Drine koji je linijski ograničen rijekom Drinom i koga dijele zemlje partneri u projektu Bosne i Hercegovine, Crne Gore i Srbije.

Ovaj projekat će saradivati sa 25 škola i općina/opština, među kojima su OŠ «Zaim Kolar» Trnovo i Općina Trnovo, izabranih putem transparentnog procesa u slivu rijeke Drine.

Po jedna ciljna škola po općini-partneru će biti uključena u projekat kao primarni korisnici projekta. Ostale škole u zemljama partnerima i Zapadnom Balkanu će imati koristi putem širenja informacija i regionalnih aktivnosti.





Dan OŠ «Zaim Kolar» Dejčići



Učenici, nastavnici i uposlenici OŠ «Zaim Kolar» Dejčići svečano su obilježili Dan škole. U prepunoj sali OŠ «Zaim Kolar» izveden je svečani program. Mnogobrojne posjetitelje, ugledne javne ličnosti, roditelje i učenike pozdravila je direktorica škole Kimeta Lindov. Na proslavi je proglašen učenik generacije Dalila Ćosić i ponos generacije Amina Kadić.

Bogati kulturno umjetnički program su uz pomoć svojih nastavnika pripremili i izveli učenici svih uzrasta. Nastupili su školski hor, folklor, dramska i recitatorska sekcija.

Osoblje Svjetske banke - ured u Sarajevu učestvovalo u čišćenju Bjelašnice

U okviru akcije « Čistoća i održavanje čistoće na Bjelašnici i Igmanu », koju je organizovala Općina Trnovo sa ministrom prostornog uređenja i zaštite okoliša Kantona Sarajevo, ministrom privrede Kantona Sarajevo, načelnikom Općine Hadžići i direktorima Kantonalnih komunalnih preduzeća, svoje učešće uzela je i Svjetska banka – ured u Sarajevu.

Zaposlenici banke su u utorak 08.09.2009. godine učestvovali u čišćenju Grkarice na Bjelašnici. U sklopu akcije oni su oformili grupe koje su se takmičile koja će što više sakupiti otpada.

Tokom akcije sakupili su 800 kilograma otpada.



Studenti i učenici dobili stipendije u školskoj 2009/2010. godini



Studenti i učenici srednjih škola, koji se nalaze na redovnom školovanju, 02. juni 2010. godine potpisali su sa Ibrom Berilo, načelnikom Općine Trnovo ugovor o stipendiranju za nastavu 2009/2010. godinu.

Visina mjesečne stipendije za učenike isnositi će 80,00 KM, a za studente 100,00 KM i dodjeljuje se za jednu školsku godinu.

Stipendije su dobili učenici srednjih škola: Arnela Ajkunić, Emir Torlak, Dženan Mizdrak, Meldijana Ćosić, Ajdina Velić, Ismeta Mulaosmanović, Elma Kolar, Smaila Omerbegović, Haris Kulović, Dina Imamović, Amer-Kerim Mulaosmanović, Amina Hromo, Ena Dedić, Amina Milišić, Jovana Govedarica i Samir Milišić.

Dok su stipendije dobili sljedeći studenti: Nadža Dreca, Dženana Pindžo, Muris Šehović, Edhem Aljović, Arnela Milišić, Mirsad Hošić, Dženeta Dedić, Amina Mraković, Alma Kučuk, Anel Kadić, Emina Hošić, Arnes Durmo, Brankica Mojević, Elma Žilić, Amra Mizdrak, Ensad Omerbegović, Adela Milišić, Enis Krupalija, Dženan Pločo, Lejla Kolar, Amar Milišić, Emir Kadrić i Hariz Šabotić.



Općinsko takmičenje « KNJIGA JE MOJ NAJBOLJI PRIJATELJ»

Održano je općinsko takmičenje u broju pročitanih knjiga, pod nazivom « Knjiga je moj najbolji prijatelj» za školsku 2009/2010. Takmičenje su organizovale Općina Trnovo i Hadžići, a u saradnji sa Pedagoško – prosvjetnim zavodom. Na takmičenju su učestvovali učenici nižih razreda (II-V) osnovnih škola sa područja Trnova i Hadžića.

Radove je pregledala stručna komisija od 5 članova, a činili su je profesori razredne nastave općina Kantona Sarajevo:

1. Ramiza Sušić – Općina Trnovo;
2. Erzumana Fukelj – Općina Stari Grad;
3. Adisa Hodžić – Općina Novo Sarajevo;
4. Sanela Alajbegović – Općina Ilidža;
5. Emir Fazlić – Općina Ilijaš;

Rezultati su sljedeći:

II razredi

1. Elmedina Krupalija – OŠ «Zaim Kolar» Dejčići, učiteljica Ramiza Sušić
2. Amila Bašić – OŠ « 6.mart « Hadžići, učiteljica Nermina Kazazović
3. Amer Smajić, OŠ «Hilmi ef. Šarić» Tarčin, učiteljica Seldina Kovačević

III razred

1. Edina Čović – OŠ « 6.mart « Hadžići, učiteljica Elma Jamaković
2. Sanin Čomor – OŠ «9. maj» pazarić, učiteljica Snježana Kaleta
3. Amna Tiro – OŠ « Hilmi ef. Šarić» Tarčin, učiteljica Nizama Pknjač

IV razred

1. Elvis Tahirović – OŠ « Hilmi ef. Šarić « Tarčin, učiteljica Azemina Kasum
2. Sedin Kazazović – OŠ « 9. maj « Pazarić, učiteljica Azra Drina
3. Minelfa Bjelić – OŠ « 6.mart» Hadžići, učiteljica Fatima Ljubović

V razred

1. Šeherzada Ibrahimović-OŠ «6. mart « Hadžići, učiteljica Amina Hujić
2. Samra Trešnjo –OŠ «9.maj» Pazarić, učiteljica Mirheta Zelić
3. Ajla Zahirović-OŠ « Hilmi ef. Šarić» Tarčin, učiteljica Jasmina Hrnjica



“Knjiga je moj najbolji prijatelj”

Ovo priznanje svjedoči o našoj radosti što si ga uspio/uspjela osvojiti.

Obilježen Svjetski dan prve pomoći

Crveni križ Općine Trnovo obilježn je u subotu 12. septembra 2009. godine Svjetski dan Prve pomoći.

Mladi Crvenog križa Općine Trnovo u saradnji sa Policijskom stanicom Trnovo proveli su aktivnosti, tako što su na magistralnom putu M -18 mjesto Ilovice anketirali vozače i kontrolisali im kutije Prve pomoći.

Anketirano je 19 vozača u periodu od 11:00 sati do 14:00 sati.





Najbolje znanje iz geografije pokazala je Omerbegović Almedina, a ekipno OŠ „Zaim Kolar“ Trnovo

Takmičenje iz geografije održano je u Dejčićima 13. mart 2010. godine. Prvo mjesto pripalo je Omerbegović Almedini (52 boda) iz OŠ „Zaim Kolar“ iz Trnova, drugo Ćosić Dalili (48 bodova) iz OŠ „Zaim Kolar“, a treće Kadić Bilalu (45 bodova) iz OŠ „9. maj“ Pazarić. Najbolja ekipno bila je OŠ „Zaim Kolar“ iz Trnova sa 138 osvojenih bodova, drugo mjesto pripalo je OŠ „9. maj“ iz Pazarića, koja je osvojila 125 bodova, treće mjesto zauzela je ekipa OŠ „Hilmi ef. Šarić“ iz Tarčina sa 122 osvojena boda, dok je četvrto mjesto zauzela ekipa OŠ „6. mart“ iz Hadžića sa osvojenih 106 bodova.

Osnovci OŠ „Zaim Kolar“ iz Trnova drugi iz demokratije

Takmičenje iz demokratije održano je 27. mart 2010. godine u organizaciji Civitasa. Najbolja je bila OŠ „6. mart“ iz Hadžića, druga je bila OŠ „Zaim Kolar“ iz Trnova, treće mjesto zauzela je OŠ „9. maj“ iz Pazarića, dok je četvrta bila OŠ „Hilmi ef. Šarić“ iz Tarčina. Pobjednička ekipa iz Hadžića imala je za temu “Problem rasporeda školskih odmora i raspusta”, ekipa iz Trnova imala je temu “Proizvodimo zdravu hranu”, ekipa iz Pazarića temu “Ishrana u školskim kuhinjama”, dok je ekipa iz Tarčina radila na temi “Odnos između nastavnika i učenika”. Školsku ekipu sačinjavalo je osam učenika, a u ekipi iz OŠ «Zaim Kolar» bili su: Dalila Ćosić, Amir Ramić, Almedina Omerbegović, Lejla Smječanin, Amina Kadić, Nazila Godinjak, Selmedina Krupalija i Almedina Krupalija. Zadane teme su bile vrlo zanimljive i kroz ovaj projekat učenici bar djelomično mogu uticati na rješavanje problema u njihovoj školi.

Skijaši ski kluba Bjelašnica osvojili Sloveniju

Elvedina Muzaferija i Belmin Godinjak zabilježili su pobjedu na Otvorenom regionalnom prvenstvu Slovenije «Pokal Krvavca» u Kranju. U kategorijama starijih cicibanki i cicibana iz Slovenije, Hrvatske i Bosne i Hercegovine, mladi takmičari Ski kluba Bjelašnica su se potvrdili i na regionalnom nivou čime su dokazali kvalitet i kontinuitet pobjeda sa domaćih i međunarodnih takmičenja koja su održana ove sezone u BiH. Na prvenstvo u Sloveniji održano 7. marta su pozvani najbolji takmičari iz BiH u mlađim kategorijama, svi iz «Bjelašnice», među kojima su još bili Salih Hasanbegović, Harun Mulaomerović i Nejira Hasanbegović. Harun i Salih su osvojili 9. odnosno 13. mjesto u do sada najjačoj konkurenciji u kojoj su nastupili dok Nejira iz privatnih razloga nije otputovala.



Cicibani «Bjelašnice» ponovo osvojili sve – jedno zlato i u slalomu za starije kategorije



Na takmičenju «Kup Grada Sarajeva», održanom na Bjelašnici 19. i 20. marta, cicibani i cicibanke Ski kluba Bjelašnica pobijedili su u svim kategorijama veleslaloma. Nejira Hasanbegović i Harun Mulaomerović su bili najbolji među mlađim cicibanima, a Elvedina Muzaferija i Belmin Godinjak u starijim cicibanima. Na pobjedničko postolje se još popeo Haris Hodžić u trci slaloma u kategoriji starijih dječaka.

Lejla Rahić je osvojila drugo mjesto u trci veleslaloma za mlađe djevojčice.

Deminiranje

Razvojni programi Općine Trnovo planirani Strategijom razvoja, a koji se prvenstveno odnose na razvoj poljoprivrede i turizma doveli su do promjene kategorizacije prioriteta, tako da su prioriteti III kategorije prešli u I kategoriju prioriteta, a to se posebno odnosi na područje koje se nalazi u proširenom obuhvatu "Sportsko-rekreativnog područja Bjelašnica".

Područje Općine Trnovo ima oko 60 km² rizične površine ili 18,7% od ukupne površine što je čini jednom od općina koja je najviše zagađena minama u Kantonu Sarajevo.

Gustina naseljenosti sa oko 6 stanovnika po km² kao i neki drugi parametri koji se uzimaju za određivanje prioriteta i kategorizaciju rizičnih površina, prema Elaboratu BH MAC-a izgleda ovako: I kategorija 4694150 m² ili 7,71 %, II kategorija 19523700 ili 32,10 %, III kategorija 36610800 ili 60,19 %.

U saradnji sa BH MAC-om, provode se druge protuminske akcije (obilježavanja i postavljanje znakova) koje imaju cilj da umanje mogućnost stradanja kako domicilnog stanovništva tako i izletnika koji borave na našem području.

U tekućoj 2010. godini planirano je deminiranje 6. lokacija I prioritata na lokacijama Godinje, Presjenice i Grkarice sa ukupno 283.118 m² rizične površine.

Zbog nedostatka vlastitih sredstava, prisiljeni smo se osloniti na humanitarno-besplatno deminiranje od strane deminerskih timova Federalne uprave civilne zaštite i Oružanih snaga Bosne i Hercegovine.

Do sada je izvršeno deminiranje lokaliteta ispod sela Godinja u površini od 17.745 m², a počinje deminiranje područja na lokalitetu Grkarice površine 82.144 m².

Bez obzira na nedostatak sredstava očekujemo da ćemo u saradnji sa Federalnom upravom civilne zaštite, Oružanim snagama BiH, Udruženjem za eliminaciju mina /UEM/ i drugim nadležnim institucijama, tokom ove godine u potpunosti izvršiti deminiranje svih predviđenih prioriteta, odnosno planiranih 283.118 m² rizične površine.

Također, ove godine izvršeno je više protuminskih akcija u smislu prevencije, odnosno hitnog obilježavanja. Postavljeni su novi znakovi minske opasnosti i izvršena popuna uklonjenih odnosno uništenih znakova minske opasnosti. Česta je pojava na našem području uništavanja i uklanjanja znakova minske opasnosti pa je neophodna kontrola i popuna uništenih znakova.

Sa zadovoljstvom možemo konstatovati da u proteklom periodu nije bilo minskih incidenata odnosno nismo imali stradalih od mina, NUS-a ili drugih minsko - eksplozivnih sredstava.

